

Tico Croes na Nelson Oduber

AVP LO BAY DURO CONTRA ESNAN CU KIER DESTRUI NOS PAIS

ORANJESTAD(AAN) -- Tico Croes no ta contento cu e sucedidonan di ultimo dianan. El a muestra cu AVP ta un partido di 20 mil votador cu durante e ultimo tres eleccionnan a suta Nelson Oduber. AVP a gan'e na 1993, a gana na 1994 y a ripiti esaki na 1997.

Den cualkier otro partido, ora cu un lider perde tres eleccion e mester baha, pa motibo cu e no a trece e inspiracion pa su militancia y partido pa un futuro mihor.

Durante cinco aña y mey cu mancho di Aruba tabata den Nelson Oduber su man, Aruba a conoce dos cos: mal gobernacion y medida.

Esaki tabata un repeticion di tempo cu Nelson Oduber tabata diputado mayor di MEP caminda el a bin cu medidanan. E tempe ey corectamente tur hende a bisa cu Nelson Oduber a zink Aruba.

Cu tur respet pa nos Constitucion y e baloman di expresa bo mes y manifesta, e Constitucion tambe ta bisa cu mester

defende e felicidad y bienestar di pueblo.

AVP hamas y nunca por para man cruza pa mira un mente fracaza, un mente maligno manera di Nelson Oduber purba di destrui nos pais.

Tico Croes a bisa cu manera ya a expresa anteriormente, AVP ta bay lanta para. Si MEP ta na un banda di e baricada, nan por ta sigur cu na e otro banda di e baricada AVP ta warda nan. AVP lo bay duro y lo enfrenta tur esnan cu kier destrui nos pais. AVP lo no bay warda nan sino lo bay topa cu nan na unda cu ta, pasobra AVP ta representa e baloman mas puro den nos comunidad esta baloman di construccion, e baloman di union, e baloman di un futuro yen di bienestar, oportunidad y speranza pa nos hendenan.

Ora algun sindicalista lubida nan responsabilidad y ta expresa simpatia pa destruccion di nos pais, AVP ta lanta firma pa esaki. AVP no conoce interesnan particular. AVP conoce un interes. so y

ese y ta interes di Aruba. Ta p'ese y awe AVP ta e partido mas grandi y a gana Nelson Oduber y MEP tres biaha consecutivo.

Tico Croes a enfatisa cu AVP ta cla pa yama su militancia y ta cla pa enfrenta esnan di MEP unda cu ta si na momento AVP ripara cu e intenscion di MEP su manifestacion ta pa destrui Aruba. AVP ta respeta MEP su derecho pa manifesta pero hamas y nunca lo permiti nan destrui nos pais.

Tico Croes ta lamenta di curazon cu Nelson Oduber ta forza AVP di bay den un confrontacion asina pasobra a extende MEP un man pa traha hunto den gobierno pero Oduber a scoge e caminda di confrontacion y destruccion y AVP ta cla p'e.

Tico Croes a finalisa bisando cu AVP ta cla pa lucha pa nos pais, AVP ta cla pa nos pais dreña cu e mesun orguyo cu nos tatanan a lanta nos den e proximo siglo. Nelson Oduber, AVP ta cla p'abo spera nos.

AVP ta condena falta di respet di MEP pa salud di Minister Watty Vos



ORANJESTAD(AAN) -- Ayeramainta Promer Minister Eman, como politico di AVP a lamenta y alavez condena totalmente e falta di respet di MEP pa cu salud di un miembro di partido AVP, Minister Watty Vos.

E ta lamenta cu e cosnan mas sagrado den un comunidad esta salud y bida di hende tambe a bay perdi. Eman a muestra riba e ex-

presion di MEP: "De vos verlies wel zijn haren maar niet zijn streken" riba pamfletnan cu a sali for di cas di Nelson Oduber. Esaki ta algo pa yora con MEP ta insulta Watty Vos.

Eman a bisa cu pa motibo di malesa berdad Watty Vos a perde su cabey. Eman ta kere cu aki a yega na e nivel caminda nos tur mester lanta para y bisa MEP cu awor si ta basta.